

Headline	Albright Chong sertai UUM		
MediaTitle	Harian Ekspres (KK)		
Date	18 Aug 2015	Language	Malay
Circulation	25,055	Readership	75,165
Section	Sukan	Color	Full Color
Page No	8	ArticleSize	171 cm <sup>2</sup>
AdValue	RM 881	PR Value	RM 2,643



**ALBRIGHT menerima hadiah tempat keempat dalam Terbuka Junior Malaysia 100PLUS 2015.**

## Albright Chong sertai UUM

KOTA KINABALU: Bekas pemenang pingat emas Sukma, Albright Chong yang menarik diri daripada pasukan Sukma negeri pada Jun akan ke Alor Star esok untuk menyertai Universiti Utara Malaysia (UUM) untuk pengambilan September.

Dia akan memulakan sesi latihannya di bawah UUM dan akan membuat penampilan sulung untuk universiti itu di Terbuka Amatur Pahang bermula 26-29 Ogos disusuli dengan Terbuka Amatur Johor bermula 7 hingga 10 September.

Pemain berusia 18 tahun itu, yang merupakan satu-satunya pemain Sabah yang tersenarai dalam skuad elit Persatuan Golf Malaysia (MGA) 2015 turut teruja bermain dalam Kejohanan Golf Antara Universiti Dunia yang akan diadakan di Paris tahun depan.

Dia baru-baru ini bersaing dalam Terbuka Junior Malaysia 100 PLUS 2015 yang diadakan di Kelab Golf & Country Sultan Abdul Aziz bermula 11 hingga 13 Ogos.

Jumlah kutipan matanya 223 (75,73,75) menyaksikan dia menamatkan saingan di tempat keempat, lapan pukulan di bekalang penenang dan rakan sepasukan MGAny, Amir Nazrin Jailani.

Sementara itu, pasukan negeri juga menghantar beberapa pemain junior ke kejohanan itu dengan pelatih Sukma Christopher James mendapat tempat ke 25 dengan mata 241 (85, 81, 75) disusuli oleh Casper Loh di tempat ke 29 dengan 244 (79, 84, 81).

Seorang lagi pelatih Sukma Jacqueline Mojulat Nickles menjadi satu-satunya wanita dari negeri ini yang berjaya ke pusingan akhir di mana dia menamatkan saingan di tempat ke 17 dengan jumlah mata keseluruhan 246 (82, 80, 84). - **GL Oh**